

Kibaaroolu, mennu danteeta Juuni, Okosi, Sekitemba karoo kono sanji 2006

Kibaari kutoolu santo

Fadil Siise 24.09.2006

Peresidaŋ Jamme: Yiriwaa maŋ dandulaa soto

Kunuŋ, Sekitemba karoo tili taŋ niŋ saba, a la kañewo koolaa, Kambiya peresidaŋo Yaayaa Jamme niŋ kibaari taalaalu ye beŋo soto a la koridaa baa to, Banjunu. Kibaari taalaalu ye a ñininkaa a la feeroolu la, mennu be dendinŋ bankoo la taañaatoo la.



Kibaaritaalaa doo ye a ñininkaa: “I la maraloo kono sanji luulu tambilaa, tuloo jeta bankoo kaŋ. Saayinŋ, ñ si ñ yilla noo muŋ ne la?”

Peresidaŋo ye a jaabi Tubaabu mansaaloo la ko, “Saŋo doronŋ ne mu dandulaa ti”, meŋ kotoo mu ñinŋ ti, “Yiriwaa maŋ dandulaa soto”. Kuwolu, a ye mennu laahidi, wolu mu ñinnu le ti: Foloo-foloo, ì be safaari dulaa loo la Yundumu kuluntiilaa jiidulaa maafanŋo la. Safaari jamaa be ke la jee, aduŋ kompaniyolu be feŋ jamaa dedaa la, sako kompiita joraŋolu. Faani dadaadulaa fanaa be soto la jee, aduŋ wo kamma la Kambiya fondinkewolu, mennu si taa kaañanŋ moo wuli keme (100.000) fee, wolu le be dookuu soto la jee. Fondinke wuli keme (100.000) doo koteŋolu be siloo soto la ka londoo lafaa, aniŋ dookuwo, bantala banku doo kaŋ, bari a ko, a te wo bankoo too fo la saayinŋ.

Kibaaritaalaa doo, meŋ bota Ankalee bankoo kaŋ, ye peresidaŋ Jamme ñininkaa, a ye muŋ ne miira fondinkewolu la kuwo to, mennu ka kato ke ka taa Tubaabuduu bankoolu kaŋ niŋ baa la, kayiti te ì bulu. Peresidaŋ Jamme ye a jaabi ko, a maŋ lafi ka moolu wakilindi baa la siloo taa la, bari hani wo ñaa-wo-ñaa, taamoo be kerinŋ duniyaa jaŋ waati-wo-waati. A ye Tubaaboolu hakiloo bulandi waatoo la, meŋ kumaasita sanji keme naani koomanto. A ko, wo waatoo la Tubaaboolu naata Moofinduu jaŋ, ì maŋ kayiti soto. Ì ye moolu la moo bambandinŋolu diyaakuyaa samba jonŋyaa kono. Niŋ a ye a tara, wo Tubaabuduu bankoolu ye suuñaaari feŋolu bee jooseyi, taama doo te soto la ka bo Moofinduu, niŋ a maŋ ke Moodinŋ toorisoolu la taamoo ti.

Peresidaŋ Jamme ye kibaari taalaalu kalamutandi kuwolu la, mennu ka yiriwaa tiñaa Moofinduu jaŋ. Kuu jawu baa mu keloo le ti, ko meŋ *Darfur* la ñoofaa keloo Sudani bankoo kaŋ. A ko, bataa kuu doo mu faŋ dooyaa le ti, hani saayinŋ Moofinŋolu maŋ jikoo soto ì faŋolu la kuwo to. Niŋ mu kuwo le ti, Yaayaa Jamme ye meŋ bambandi baake.

Fadil Siise 23.09.2006

Peresidaŋo Jamme kañeeta siiña sabanjaŋo to

Kambiya bankoo la peresidaŋo, Yaayaa Jamme, APRC paatiyo ye meŋ londi, ñiŋ ne keta a la siiña sabanjaŋo ti ka kañee peresidaŋ kariteefayoo to. Saayiŋ a ye siidulaa taŋ wooro niŋ woorowula le soto kemoo kono (67 %). Sanji 2001 kono, kemoo kono a ye taŋ luulu niŋ saba le soto (53 %). Wo to a la kañewo ñinaŋ warata baake le.

Niimaroolu fele:

	Moo	Paatiyo	Karitee kesoolu	Siidulaa
1.	Yaayaa Jamme	APRC	264.404	67 %
2.	Useyinu Daabo	UDP/ NRP /GPDP	104.808	27 %
3.	Halifa Salla	NADD	23.473	6 %
	A bee		392.685	100 %

Moo wuli keme wooro niŋ taŋ wooruwula (670.336) le ye kariteefayi kayitoo soto, wolu kono moo wuli keme saba niŋ taŋ kononto niŋ fula (392.685) le ye karitee fayi. Wo mu kemoo kono siidulaa taŋ luulu niŋ kononto (59%) le ti.

Kariteefayi bundaa baa (IEC) ñaatonkoolu aniŋ luntaŋolu, mennu naata ka Kambiya kariteefayoo koroosi, ì bee ye Kambiyankoolu jayi baake le, kaatuŋ kariteefayoo keta kayiroo niŋ tenkuŋo le kono ko a ñanta ke la ñameŋ. Bari bataakuwo domandiŋo meŋ sotota jee, wo le mu, moo doolu maŋ a loŋ, ì ñanta ì la karitee fayi la kariteefayi dulaalu mennu to, ko Kambiya peresidaŋo noomalankoo Ayisatu Njaji Seedi ye a fo ñameŋ GRTS kibaari bundaa to.

Fadil Siise 22.09.2006

Kambiyankoolu be ì la kariteelu fayi bii

Moo wuli keme wooro niŋ taŋ wooruwula (670.000), mennu ye kariteefayi kayitoo soto, wolu le ye siloo soto ka taa ì la karitee fayi Kambiya bankoo kaŋ bii, dameŋ moo miliyoŋ kiliŋ niŋ talaa be siiriŋ jee.

Kariteefayi dulaalu, mennu be bankoo kaŋ, wolu si taa kaañanŋ dula wuli kiliŋ ñoŋ fee. Karitee fayoo be ke la teŋ ne: Moo-wo-moo be kariteekese kiliŋ ne soto la, ì be meŋ joloŋ na ì la dumboo kono. Ñiŋ dumboolu bee be bitiriŋ ne, ì ka huwo soto santo. Ñiŋ kariteekesoo tambita wo huwo la, talaŋo le kuma, meŋ be a yitandi la ko, ì ye ì la karitee fayi a ñaama le. Wo kamma la kariteefayi bundaa ye ñiŋ kibaari ko, moo kana fooleesuwo samba ñiŋ kariteefayidulaalu to, sako ka a talaŋo kumandi.

Dumbu-wo-dumbu ye a la paatiyo la kuluuroo le soto aniŋ moo la nataaloo, paatiyo ye meŋ londi. Ñiŋ daliiloo bee sunta niŋ karambaliyaa le la Kambiya bankoo kaŋ. Kulooroolu niŋ toolu fele:

<u>Paatiyo</u>	<u>Moo, ì ye meŋ londi</u>	<u>Kulooroo</u>
UDP/NRP/GPDP	Useyinu Daabo	Netemunkoo
APRC	Yaayaa Jamme	Jambakeroo
NADD	Halifa Salla	Seebaloo

Fadil Siise 21.09.2006

Dawuda Baa ye a la kafoo samba ñaato

Dawuda Baa mu katadamfulaa le ti, meɗ ye a la katadamfuñoolu bee ñaatonkayaa katadundoo to. A la katadamfu kafoo, "KTP", be Finiland bankoo la katadamfu kafoo la fannaa fulanjaño kono, ì ka a fo meɗ ye "first division".

Ì be ñiɗ tumoo meɗ to teɗ, ñooseyaa katadamfoo le be kerij Finiland bankoo kaɗ, ì ka a fo meɗ ye ko "Finnish Cup", aduɗ KTP ye kafu jamaa le kañee kañeerinaa la, meɗ ye moolu tereɗ. Saayiɗ kafu naanoo meɗ tuta jee, wolu kono kilij ne ñanta kañeeroo ke la, aduɗ KTP be wolu kono le.

Kunuɗ KTP ye kafoo doo, *Kymen Palloseura*, kañee katadaañaa saba la, wolu maɗ feɗ soto (3-0). Meɗ ye ñinnu bee dundi, wo mu kafoo la santiyaño le ti, Dawuda Baa. A Kambiyankoo doo, Abudullayi Koor le ye deemaaroo ke kata fula doo dundoo to. Kambiyanka sabanjaño, Demba *Savage*, fanaa be ñiɗ kafoo kono le, meɗ ye Kambiyankoolu darajandi baake.



Fadil Siise 28.8.2006

Kambiya moolu be tombondiroo ka la moo saboo teema

Moolu, mennu be loo la peresidaɗ kariteefayoo to Sekitemba karoo tili 22 Kambia Bankoo kaɗ jaɗ, wolu tombonta bii. Tombondiroo ñiɗ keta Karitee fayi bundaa (IEC) la koridaa baa to, meɗ be Kayiraba siloo kaɗ.

Mennu taata ñiɗ peresidaɗyaa ñinoo la, wolu mu moo naani le ti, placeCitybari moo kilij wolu kono maɗ saritoolu timmandi noo. Wo mu *Henry Gomez*, meɗ na paatiyo mu GPDP le ti. Saayiɗ paatiyolu, menu daa be placetara la jee, wolu le mu APRC, UDP aniɗ NADD. Kambiya bankoo la peresidaño Yaayaa Jamme be looriɗ APRC tooyaa la, looyaa Useyinu Daabo be looriɗ UDP tooyaa la, aduɗ dipitee Halifa Salla be looriɗ NADD tooyaa la.

Moodu Kante 19.9.2006

Kambiyanƙoolu sunuta *Jeanette Fournier* la saayaa la

Sekitemba karoo tili 13 Kambiya la maakoyirilaa kafoo, ì ka a fo meɗ ye *Red Cross*, wolu niɗ kafu doolu, mennu bota Kambiya aniɗ Senekaali, benta ka ñoo kontonɗ Kambiya jaɗ ì la teeroo aniɗ kafuñoo *Jeanette Fournier* la saayaa la.

Jeanette Fournier mu Red Cross dookuulaa le ti nuɗ. A keta Amerikankoo le ti, meɗ be siiriɗ Senekaali bankoo le kaɗ nuɗ. A la saayaa keta Kasamaansi le kari tambilaa tumoo meɗ na, a taata wo tundoo to ka maakoyiroo dii moolu la, balannaalu la keloo ye mennu borindi. *Jeanette* niɗ a dookuuño moo saba be taa kaɗ ì la motoo kono, bari ì la motoo naata sele miinoo kaɗ. Wo naata feteɗ, ate niyo tuta jee.



Jeanette Fournier ye sanji taɗ luulu le soto. A futuuta *Swiss* kewo ye, aduɗ ì ye diɗ fula le soto. A la saayaa keta niikuyaa baa le ti moo jamaa ye, ko beɗo ñiɗ ye a yitandi ñaameɗ.

Moodu Kante 19.9.2006

Kambiya kiitiibuɗo ye Senekaali diɗolu alimaani

Kiitiibuɗo, meɗ be Kambiya la saatee baa doo to, ì ka a fo daameɗ Birikaama, wo le ye Senekaali diɗolu, meɗ taata fo moo taɗ niɗ naani alimaani, moo-wo-moo wuli fula Kambiya kodoo, aduɗ niɗ ì maɗ a joo, ì be ì laa la bunjawoo to fo sanji kiliɗ. Wo alimaanoo daliiloo mu ñiɗ ne ti ko, ì dunta bankoo kaɗ duɗña la, meɗ niɗ luwaa maɗ taa ñoola, aduɗ ì la daliiloo bankoo kaɗ mu ka kulundiɗo taa ka taa Tubaabuduu. ì la looyaa ye a yitandi kiitiibuɗo ye ko, ñiɗ moolu la hamoo maɗ ke ka sabati bankoo kaɗ, bari ka taa banku doolu ka baluuña kendo ñini.

Fadil Siise/Point 6.9.2006

Yaayaa Jamme:

“Alla doron ne si nte la Mansakundaa boyindi noo”

Peresidaɗ Jamme ye a yitandi ko, kuudeetaa waraɗ kariteekesoo te ate la mansakundaa boyindi noo la. A ko, Alla doron ne si a la mansakundaa boyindi noo. A ye a fo fanaa de, ate la kariteekesoolu be bo la naɗ Alla le bulu. A ko, “Kabiriɗ ɗa ñiɗ mansakundaa taa 1994 saɗo la, jumaa le ye karitee fayi n ye?”

Peresidaŋ Jamme ye ñiŋ kumoolu fo beŋ baa le to, a ye meŋ ke Farafenni bankoo la sonkodu karo la. A ye a yitandi ko, moolu mennu be wo maafango la, wolu le mu moolu ti, mennu maŋ karitee fayi a ye wo kariteefayi tambilaa kono. A ye ñiŋ fo de, ate mu peresidaŋo le ti fo wolu ye karitee fayi a ye, fo ì maŋ a fayi. A ko, Sekitemba karo tili 23 be ke la juuraloo le ti a la kaŋeroo to, meŋ be ke la taarikoo ti.

Peresidaŋ Jamme ko, moolu maŋ ñaŋ na sii fatanfansoo ke la kariteefayoo to, kaatu hani peresidaŋ *Sir* Dawda Jawara, meŋ ye bankoo mara fo sanji taŋ saba, Mandinkoolu dammaa maŋ loo a ye. A ko, niŋ a ye a tara siyaa le mu, tennuŋ Cayiniisoolu le be ke la duniyaa bee la peresidaŋo ti. Jawara tarata ali laahidi la le ko, a be bankoo ke la le ko *Singapore* Afirika bankoolu kono, bari a ye a ke le de "*singers & poor*". Kumoolu foŋaa mu kiliŋ ne ti, bari ñiŋ labango kotoo mu "donkili laalaa fuwaaroolu" ti.

Jamme ko, "Julayi karo tili 22, sanji 1994, wo waatoo le ali ye ali faŋ soto, kaatu ŋa ñaatotaa samba naŋ fo ali la bundaalu to. N te tu la a ñaama ñiŋ ñaa naalaa, m be faliŋ na le. Moolu mennu ye karitee fayi n ye, m be wolu le foloo maakoyi la, mennu maŋ a fayi n ye, ŋa labanŋ wolu la. Moo ye meŋ fii, wo le ka faliŋ i ye."

Fadil Siise/Point 6.9.2006

Suuloo be kantaroo to le fondinkeelu la funtiŋaa to bankoo kaŋ

Kantari bundaa, meŋ marata moolu la taa niŋ naa la bankoo kaŋ (*Immigration*), ì ye ì la suuloo yitandi, kaatu moolu la kato ko funti bankoo kaŋ, wo be lafaa kaŋ ne doronŋ, hani ì maŋ visaa soto. Ñiŋ moolu, mennu ka ñiŋ taamaŋaa siifaa le ke teŋ, wolu ka cokindari kulundiŋolu le taa ka taa Tubaabuduu bankoolu kaŋ. Aduŋ niŋ ì wulita, jamaa ka naa Kanari jooyee le bayindi. Ñiŋ kantari bundaa la ñaatonkoo, meŋ be marariŋ kibaaroolu la, ye a yitandi le ko, moolu mennu ka paree ka taa niŋ baa la, wolu be lafaa kaŋ ne luŋ-wo-luŋ. A ko, ñiŋ keeŋaa maŋ jawuyaa doronŋ de, bari a niŋ siloo maŋ taa, kaatu ì maarii ñoolu buka kayiti soto ì bulu, meŋ niŋ luwaa taata. A ye dandalaaroo dii ko, niŋ ì ye moo-wo-moo muta ka taa ñiŋ taama siifaa la, waraŋ ì ye moo muta ka ì deema, a keta kuluntiyo waraŋ wo taalaalu, ì be luwaa laa la ì kaŋ ne. A ko fanaa, niŋ moo ye moolu je, mennu be paree kaŋ ka taa niŋ baa la Kanari jooyee to, ì maarii si a kata, ì ye ì la ripootoo futandi poliisikundaa la, meŋ sutiyaata ì la.

Fadil Siise 28.8.2006

Kambiya moolu be tombondiroo ka la moo saboo teema

Moolu, mennu be loo la peresidaŋ kariteefayoo to Sekitemba karo tili 22 Kambia Bankoo kaŋ jaŋ, wolu tombonta bii. Tombondiroo ñiŋ keta Karitee fayi bundaa (*IEC*) la koridaa baa to, meŋ be Kayiraba siloo kaŋ.

Mennu taata ñiŋ peresidaŋyaa ñinoo la, wolu mu moo naani le ti, placeCitybari moo kiliŋ wolu kono maŋ saritoolu timmandi noo. Wo mu *Henry Gomez*, meŋ na paatiyo mu GPDP le ti. Saayiŋ paatiyolu, menu daa be placetara la jee, wolu le mu APRC, UDP aniŋ NADD. Kambiya bankoo la peresidaŋo Yaayaa Jamme be looriŋ APRC tooyaa la, looyaa Useyinu Daabo be looriŋ UDP tooyaa la, aduŋ dipitee Halifa Salla be looriŋ NADD tooyaa la.

Fadil Ceesay, Observer 14.8.2006

Dibiteebuŋo be sutiya moolu la

Kambiya bankoo la dibitee buŋo pareeta ka futa radiyoo, telee anii *Internet*.

Ŋii be dati la ka bo Januwari karoo, saŋ naalaa 2007. Kibaaroo ŋii fota Araamisa tambilaa ka bo dibitee buŋo la siirantiyo bulu. *Blinda Bidwel* ye a dantee waatoo meŋ na, i be kuwolu juubee kaŋ, dibitee buŋo ŋanta mennu dati la ŋinaŋ saŋo la 2006.

Bankoo la dibitee bunbaa la alifaalu ye *Dr. Katim Tuure* le ke ŋaatonkoo ti masinoolu la karoo to. I ye kompaŋoo tompon, meŋ be mara la *Internet* la kibaaroolu la. *Bidwel* ye a yitandi ko, i niŋ i dookuuŋoolu be ŋoo moyi kaŋ ne. Mennu be ŋii dookuuŋoolu kono, wolu mu ŋaatonkoo, meŋ be siiriŋ Cayina (*Taiwan*) ye Kambiya bankoo kaŋ, a niŋ kafoolu ko meŋ UNDP (wo mu duniyaa bee la kafu baa la fannaa doo, mennu marata yiriwaa la), IPA (wo mu duniyaa la dibitee kafoo), NICI, "*E-Government*", anii bundaa meŋ marata kibaaroolu niŋ londi lukariŋolu la.

A ye daaniroo ke kibaari safeerilaalu ma ko, meŋ-wo-meŋ lafita ka kibaari taa ke ŋii bundaa to, i si futa bankoo la dibitee bunbaa to ka i la safeerilaa je.

Fadil Siise 14.8.2006

"Henry Gomez maŋ timma ka loo peresidaŋ kariteefayoo to"

Faatumata Jahumpa Siise, peresidaŋo ye dibitee meŋ tompon, a ye ŋii fo ko, GPDP paatiyo la ŋaatonkoo, *Henry Gomez*, maŋ saritoolu timmandi ka loo peresidaŋ kariteefayi naalaa to. Faatumata Jahumpa Siise ye ŋii kumoo fo tumoo meŋ na, a be diyaamu kaŋ Kintekundaa Jaaneyaa, Kambi Jassi Kafoo ye a muta i baa ti daameŋ.

Jahumpa Siise ye a la kumoo bambandi niŋ Kambiya bankoo la kariteefayi luwaa le la. A be safeeriŋ jee ko, janniŋ i be loo la peresidaŋ kariteefayi ŋoosaboo la, i ŋanta ke la moo ti, meŋ sabatita Kambiya bankoo kaŋ sanji luulu koomantoo janniŋ wo luŋo la. Bari Jahumpa Siise ko, *Henry Gomez* be sabateriŋ Jaamani (*Germany*) bankoo kaŋ, a ka naa Kambiya luntanŋyaa le la.

A ko, "M be diyaamu kaŋ ali ye ŋii waatoo meŋ na, a te bankoo kaŋ jaŋ aduŋ a nene maŋ naamoo joo naamujoo buŋo to. A si a la paatiyo safee noo le, bari ate faŋo maŋ timma ka loo kariteefayi naalaa to."

Fadil Ceesay, Observer 11.8.2006

Minisita Waffa-Ogoo ye a la taamoo kumfaa Tubaabu bankoolu kaŋ

Minisita *Susan Waffa-Ogoo*, meŋ marata Tubaabu luntanŋolu la naa la anii aadoolu, a muruta naŋ Banjul ka bo naŋ taamoo la *Sweden* anii *Norway* bankoolu kaŋ. A la taamoo daliiloo wo banku fuloolu kaŋ mu ŋii ne ti, ka Gambia la kafuŋooyaa sembentuyaa, anii ka Tubaabu luntanŋolu la naa niŋ aadoolu lafaa Kambiya. *Waffa-Ogoo* niŋ ŋaatonkoolu, mennu marata wo kuwolu yiriwaa la *Sweden* anii *Norway* bankoolu kaŋ taariŋ, ye beŋolu soto, mennu bee be looriŋ baadinyaa le kaŋ Gambia niŋ ŋii bankoolu teema.

Waffa-Ogoo ye a fo ko, Tubaabuluntanŋolu la naa Moofindulaa kummaayaata baake le wolu to hadamaayaa niŋ fankoo la karoo la. A ye a yitandi fanaa ko, Tubaabuluntanŋolu la naa

kumaasita Kambiya ka bo niŋ *Sweden* bankudiŋolu la kumpabooroo le la. A ko, suuloo be niŋ bankoolu bee le kaŋ ka Tubaabuluntaŋolu la naa sembentuyaa.

Jaabiroo to, siirantiyo *SIDA* yiriwaa kafoo to, wo ye niŋ yitandi le ko, hani Gambia maŋ ke bankoo ti, ì niŋ meŋ na kuwolu be laariŋ ñoo kaŋ wo ñaama, bari *Sweden* na kafu jamaa le be dookuwo la Kambiya bankoo kaŋ. A ye a yitandi fanaa ko, *SIDA* kafoo la fannaa kutoo, meŋ be paree kaŋ, wo la deemaaroo be tiliŋ na dedaa feŋolu le karoo la, ko meŋ ñaa dookuu bundaa to.

Minisita *Waffa-Ogoo* la taamoo kono, Kambiya diŋolu la kafoo meŋ be jee, wolu ye tuluŋo ke a ye. Wo kono *Waffa-Ogoo* ye kayitoo yitandi ì la fankoo la karoo la ka bo niŋ Tubaabu luntaŋolu la naa la Kambiya bankoo kaŋ.

Fadil Siise 10.8.2006

Samaa ye tiñaaroo ke Birikaama

Meŋ si taa fo koridaa taŋ kononto Birikaama aniŋ Bakote Esiteetii Kambiya jaŋ, wolu le boyita tumoo meŋ na samaa baa keta Talaata luŋo la.

Birikaama siilaalu ye niŋ yitandi ko, jiiBOROO maŋ siloo le soto, wo le ye niŋ tiñaaroo saabu. ì ko, jiiBOROO siloolu ñanta siŋ na saatee kono le fo jiyo si funti noo.

Lamin Bajon ka bo Birikaama ye a yitandi ko, jiyo ye tiñaari baa le ke a la feŋolu to, aduŋ a la buŋo boyita le fanaa. A ko, "M maŋ a loŋ, m be taa la daameŋ aniŋ m be muŋ ke la."

Moo jamaa kafuta ì ma ka ì maakoyi aniŋ maakoyi kafoo, ì ka a fo mennu ye ko *Red Cross*, wolu fanaa futata moolu ma le, mennu ye bataa soto niŋ kuwo kono.

Fadil Siise 2.8.2006.

Kambiya soojari ñaatonkoo ye soojaroolu kumpaboo

Kambiya soojaroolu la ñaatonkoo, meŋ marata tankoo la bankoo kaŋ, kolonel Laŋ Tomboŋ Tamba, a ye tili luulu kumpabooroo le ke soojaroolu la kantari bundaalu to tariŋ bankoo kaŋ. Kibaaroolu ye a yitandi ko, a la niŋ kumpabooroo be dendiiŋ ñoo loŋo le la aniŋ ñoo fahaamoo soojaroolu teema, mennu be a koto, aniŋ ka a londi kibaaroolu la, mennu be ì la dookuwo kono.

Soojari bundaalu to, kolonel Tamba ye kuluwo la kummaayaa yitandi soojariyaa dookuwo kono. A ko, wo le mu fondamaŋo ti dookuwo-wo-dokuwo kono. A ko fanaa, kuluwo ñanta soto la le, aduŋ a ka soto faŋ buuñaa le kono. A ye ì yaamari fanaa ko, ì si moolu horoma, mennu maŋ soojaari faanoo siti. A ye soojaroolu wakilindi kuluwo la aniŋ tiliŋo la le. A ye peresidaŋ Jamme la kontondiroo niŋ tenturoo futandi soojaroolu ma. Kolonel Tamba ye yaamaroo dii soojaroolu tarañaa moolu kono ko, ì niŋ moolu si ñoo moyi, ì si a je ko, moolu si lannoo soto ì la kuwo to. A ye a yitandi ko, wo be ke noo la ka bo ì diyaamuñaa le la moolu ye buuñaa niŋ horomoo kono, aniŋ yaamari jamaa, meŋ be dendiiŋ soojaroolu niŋ moolu teema.

A la taamoo kono, a niŋ soojaroolu la musoolu fanaa ye beŋo soto le. Wolu ye ì la bataakuwolu fo a ye. A la jaabiroo to, a ye ì laahidi ko, a la ofisoo be ì la kuwo koroosi kuu la.

Fadil Siise 1.8.2006

Luño loota peresidaŋ kariteefayoo tombondiroo to

Kibaaroolu, mennu bota *Observer* kayitoo bala, ye a yitandi ko, Kariteefayi Bundaa (*IEC*) ye a yitandi le ko, Okosi karoo tili 28 le be ke la tombondiroo ti puru moolu, mennu be loo la Sekitemba Peresidaŋ kariteefayoo to. Ì ye a yitandi ko, ñiŋ be dendiŋ Kambiya bankoo la saritoolu fannaa 47 le kaŋ, meŋ mu kariteefayoo la luwaa ti. Kibaaroolu ye a yitandi ko, ñiŋ tombondiroo be kumaasi la montoroo waati seyi soomandaa ka taa fo waati naani wuraaroo Kariteefayi Bundaa Baa to, *Kayiraba Avenue*. Ka bo bankoo la saritoolu fannaa 85, meŋ be looriŋ kariteefayoo kaŋ, ì ye kibaaroo dii fanaa ko, ka bo Okosi karoo tili 31 ka taa Sekitemba karoo tili 20, wo le be ke la kampaañoŋ ti Kambiya bankoo kaŋ jaŋ.

Kibaaroolu ye a yitandi ko, Alaaji Mustafa Karayol le mu moo ti, meŋ tombonta ka ke siirantiyo ti Peresidaŋ kariteefayoo bundaa to. Ì ye ñiŋ fo ko, tombondiroo kayitoolu si taa noo le ka bo Okoosi karoo tili woorowula.

Fadil Siise 1.8.2006

Tooriisoolu ye Tubaabuduu taalaalu maakoyi Tenerife

Tooriisoolu, mennu be baa dandaŋo la, ì ye Tubaabuduu taalaalu moo taŋ seyi niŋ seyi (88) maakoyi, mennu bota Moofinduu bankoolu kaŋ. Wolu be moo keme fula aniŋ luulu (205) le kono, mennu niŋ kuluŋ saba futata Kanari jooyewo kono. Tooriisoolu, mennu be tiloo kono jee, ye ì maakoyi feŋ-wo-feŋ ne la, ì ye meŋ soto, janniŋ poliisoolu niŋ maakoyirilaalu ka bo *Red Cross* ka futa ì ma jee. Tooriisoolu doolu ye ì la motoolu borindi ka naa *Tejita* baadaa la ka moolu maakoyi, mennu bataata baake. Ñinaŋ saŋo la, moo meŋ si siyaa moo wuli taŋ niŋ kiliiŋ ti, wolu le ye ì niyo laa ka taa niŋ baa la siloo la Kanari jooyewo kono. Ñinaŋ saŋo siyaata seruŋ ti le siiŋaa fula ñoŋ na. Poliisoolu niŋ moolu, mennu be deemaaroo dookuwo la Kanari baadaa la, wolu ye fondinkee seyi maakoyi nuŋ, mennu be bataariŋ baake kabiriŋ ì futata *Tejita* Dimaasi luŋo la. Aduŋ ì ye ì samba lopitaanoo to, kaatu ì saasaata le.

Maakoyirilaalu ka bo *Red Cross*, ì ye ñiŋ tandi ko, lookuŋ tambilaa, ì ye kulundiŋo doo tara jooyewo kara doo la, Afirikankoolu moo naani le furewo tarata kono jee. Tubaabuduu la kafu baa, ì ka a fo meŋ ye ko *EU*, wolu ye a yitandi ko, ì be feeroolu siti la le fo meŋ si a tinna, ì si loodulaa ke Tubaabuduu taalaalu la kuwo to, sako mennu ka bo Afirika tilijii maafaj na bankoolu to.

Moodu Kante 18.7.2006

Kambiya ye ì la kodoo kutayandi

Kambiya la kodibuŋ baa (*Central Bank*), wolu le ye kutayandiroo ke bankoo la kodoo la ka a dati ñiŋ Julayi karoo kono ñinaŋ saŋo. Kibaaroo meŋ bota naŋ jee, wo ye a yitandi ko, ñiŋ kutayandiroo daliiloo mu ñiŋ ne ti ko, ka Kambiya kodoo bambandi aniŋ a si mee noo fo waati jaŋ. Daliiloo doo le mu ka a je ko, moo kurunŋolu te a tapaleyaa dadaa noo la ì faŋolu ye.

Bankoo la kodibuŋ baa la alifaalu ye a yitandi ko, hani ka bii wo kodi kotoolu be beteyariŋ ne, aduŋ moolu si kontinee ka ì dookundi. Ì ko, ì be kodi kutoolu la nataaloolu ke la dulaalu to le taariŋ bankoo kaŋ, fo moolu si ì suutee noo katabaake.

Moodu Kante 18.7.2006

Dimbaa ye karandiño faa

Kibaaroolu, mennu bota Baase tundoo kaŋ, ye a yitandi ko, dimbaa doo le ye sanji taŋ niŋ saba dindiño faa. Niŋ Dindiño too mu Suleyimani Jallo le ti, aduŋ karambuŋ to dindiño le mu, meŋ tarata ka fiitaayaa fanaa karaŋ. A la saayaa naata tumoo meŋ na dimbaa bota ì la karaasoo to, a be fiitaayaa karaŋ kaŋ daameŋ to, aduŋ dimbaa niŋ lafiita Suleyimani la kammoo jani la. Ate dindiño naata ka bori naŋ ka a kammoo maakoyi, bari dimbaa naata a la feŋolu muta. A la saayaa naata suŋ wo la.

Moodu Kante 18.7.2006

Tubaaboo soronta bunjawoo to

Kiitiikuntulaa, meŋ be Bunduŋ kiitiibuŋo to, *Moses Richards*, a ye *German* kee doo le soron bunjawoo to fo lookuŋ fula wandi juloo kamma, aduŋ wo koolaa a ye a alamaani kodoo la, meŋ taata kaañaŋ dalasi wuli fula keme lulu.

Reual Stewards, niŋ *German* bankudiño, luwaa ye a muta nuŋ tumoo meŋ na ì ko, a ye motoo le borindi siloo kaŋ borindiña la, meŋ niŋ bankoo la luwaalu maŋ taa ñoo la.

Kiitii kuntulaa ko, niŋ ì ye a je, a ye *Stewart* samba bunjawoo to lookuŋ fula, wo le mu ka moo doolu bali niŋ kuu siifaa kee la. A ko, niŋ a maŋ wo ke, motoborindilaa doolu be kontinee la niŋ asidaŋ siifaalu ke la le taariŋ, kaatu kodoo be ì bulu le ka alamaanoo joo.

Moodu Kante 12.7.2006

Italy bankoo le ye kopoo kanee

Duniyaa bee la katadamfu ñoosaboo, meŋ kumfaata *Germany* bankoo kaŋ Julayi karoo tili kononto 2006 bankoo kapitaloo, *Berlin* kono, *Italy* bankoo le naata a kañee tumoo meŋ na, ì ye *France* bankoo noo.

Niŋ siloo le be ke la *Italy* la siiña naaninjaŋo ti ka duniyaa bee la katadamfu ñoosaboo kanee. Ñoo saba naalaa be ke la sanji 2010 Moofinduu bankoo le kaŋ, ì ka a fo meŋ ye ko *South Africa* aduŋ wo le be ke la siiña foloo ti, Moofinduu bankoo ye duniyaa bee la katadamfu ñoosaboo jiyaa.

Moodu Kante 12.7.2006

Alimaamoo ko, yamfoo ñanta kela le

Alimaamoo meŋ be bankoo la mansabuŋo to (*State House*), Abudulayi Faati, a ye Peresidaŋ Jamme niŋ bankoo moolu bee daani ko, ì ñanta yamfa la ñoo la kuwolu la le, mennu keta koomantoo. Alimaamoo ye wo daaniroo ke tumoo meŋ na, a be kutuboo kee kaŋ jaameŋo kono, meŋ be mansabuŋo to Banjunu. Aduŋ a ye Alla Mansoo jayi tumoo meŋ na, bankoo ye *AU* beŋo jiyaa kayira kono. A ko, Kambiya diño be daa-wo-daa, a be ì daani la ka yamfa Peresidaŋ Jamme ye, kaatu a koleyaata baake le ka moolu ñaatonkayaa hani luŋ kilin, ì maŋ ì toora.

Faatii ye Jamme fanaa daani ko, a si yamfa moolu ye, mennu ye kuu kurunjo ke a la. A ko, niŋ moo keta ŋaatonkoo ti, fo moolu ye boyi ì kaŋ, bari wo ŋaa-wo-ŋaa, yamfoo ŋanta ke la le.

Moodu Kante 12.7.2006

Banjunu la AU beŋo maŋ ŋoŋo soto

Kambiya bankoo la ŋaatonkoo, Peresidaŋ Yaayaa Jamme, a ye a yitandi ko, AU la beŋo, meŋ kumfaata bankoo kaŋ, a maŋ mee baake, a maŋ ŋoŋ soto foloo kafoo ŋiŋ na taarikoo kono.

Jamme ye wo kumoo fo nuŋ Kambiya la kuluntiilaa jiidulaa le to tumoo meŋ na, a taata ka luntan doolu bondi. A ko, nuŋ duniyaa bee ye ko, ka bo niŋ Alla la hiinoo la bankoo be beŋo jiyaa la le aduŋ a be diyaa la le. Peresidaŋ Jamme ko, kari seyi koomanto bankoo ye *AU* beŋo parendiroo dati. A ko, wo le ye a tinna beŋo banta kayira kono. Kibaari taalaalu ye Jamme ŋininkaa ŋiŋ *Venezuela* niŋ *Iran* na ŋaatonkoolu la daliiloo la ka maabee *AU* beŋo la bankoo kaŋ, kaatu wolu maŋ ke *AU* kafudiŋolu ti. Peresidaŋ Jamme ko, wolu la daliiloo mu ka safaroolu aniŋ yiriwaa kuwolu kacaa ì la bankoolu niŋ Moofinduu bankoolu teema. *Iran* niŋ *Venezuela* ŋaatonkoolu la naa bankoo kaŋ, wo ye moo jamaa jaakali le, kaatu ŋiŋ banku fuloolu niŋ duniyaa la banku sembemaa, meŋ mu Amerika ti, ì maŋ diyaa.

Moodu Kante 12.7.2006

Gaddafi ko, Isilaamoo kummaayaata

Libiyankoolu la peresidaŋo, *Muammar Gaddafi*, a ko, Isilaamu diinoo kummaayaata baake le ka Moofinduu bankoolu ke kilij ti.

Gaddafi, ye ŋiŋ kumoo fo nuŋ Kambiya bankoo le faŋo kaŋ tumoo meŋ na, a naata ka maabee *AU* beŋo to. A ye Jumoo sali jaameŋ baa doo to bankoo kaŋ. A ko, ka Moofinduu ke kilij ti, a be sooneeyaa la le, niŋ a ye a tara, Moofinduu bankoolu ye annabiyoomo kilij nooma. Libiyankoolu la ŋaatonkoo ye a yitandi ko, niŋ Moofinduu moolu fatata Tubaaboolu la aadoolu la, mennu maŋ beteyaa, bankoolu be ke la kilij ne ti.

Gaddafi ye Moofinduu moolu bee daani ko, ì si Isilaamoo diinoo muta, kaatu wo diinoo le ye diina toomaalu muura. A ye ŋiŋ fanaa fo ko, Tubaaboolu ye diina siifaalu bee le samba naŋ Moofinduu bankoolu kaŋ ka moolu filindi.